

University of Sarajevo
Rectorate



Univerzitet u Sarajevu
Rektorat

Broj: 0101 - ~~38~~ - ~~383~~ / 11
Sarajevo, 14. 12. 2011. godine

KANTON SARAJEVO

15 - 12 - 2011

Ajčić

Bosna i Hercegovina
Federacija Bosne i Hercegovine
Kanton Sarajevo
Dr. Mirjana Malić, predsjedavajuća Skupštine

71000 Sarajevo
Reisa Džemaludina Čauševića 1

Predmet: inicijativa za davanje autentičnog tumačenja člana 133. Zakona o visokom obrazovanju, prečišćeni tekst („Službene novine Kantona Sarajevo“, broj: 22/10)

Poštovana predsjedavajuća,

u skladu sa članovima 166. i 167. Poslovnika Skupštine Kantona Sarajevo (novi prečišćeni tekst), podnosimo inicijativu za davanje autentičnog tumačenja člana 133. Zakona o visokom obrazovanju, prečišćeni tekst („Službene novine Kantona Sarajevo“, broj: 22/10).

Ovim članom, definirano je između ostalog, da:

Član 133.

(Izbor rukovodioca organizacione jedinice)

(8) Dekan se bira na mandatni period od četiri godine sa mogućnošću još jednog uzastopnog izbora.

(12) Dekani zatečeni na dužnosti u svom prvom mandatnom periodu danom stupanja na snagu ovoga zakona obavljat će svoju dužnost do isteka svog mandata i mogu biti birani na funkciju dekana za drugi uzastopni mandatni period.

(13) Dekani zatečeni na dužnosti u svom drugom uzastopnom mandatnom periodu danom stupanja na snagu ovoga zakona obavljat će svoju dužnost do isteka svog mandata i ne mogu biti birani na funkciju dekana za treći uzastopni mandatni period.

Obrazloženje

Zakonom o visokom obrazovanju Kantona Sarajevo, kojeg je donijela Skupština Kantona Sarajevo 04. 10. 1999. godine, odnosno članom 93 definirano je, između ostalog, da:

„Visokoškolskom ustanovom rukovodi dekan, koji se imenuje na period od dvije godine, sa mogućnošću još jednog uzastopnog izbora.“

Zakonom o izmjenama i dopunama Zakona o visokom obrazovanju Kantona Sarajevo, kojeg je donijela Skupština Kantona Sarajevo 25. 05. 2006. godine, odnosno članom 19. izmijenjen je član 93. Zakona iz 1999. godine, a definirano je, između ostalog, da:

„Visokoškolskom ustanovom rukovodi dekan, koji se imenuje na vrijeme od četiri godine, sa mogućnošću još jednog uzastopnog izbora.“

Zakonom o visokom obrazovanju Kantona Sarajevo, kojeg je donijela Skupština Kantona Sarajevo 31. 12. 2008. godine, odnosno članom 134. Zakona iz 2008. godine definirano je, između ostalog, da:

(8) Dekan se bira na mandatni period od četiri godine sa mogućnošću još jednog uzastopnog izbora.

(12) Dekani zatečeni na dužnosti u svom prvom mandatnom periodu danom stupanja na snagu ovoga zakona obavljat će svoju dužnost do isteka svog mandata i mogu biti birani na funkciju dekana za drugi uzastopni mandatni period.

(13) Dekani zatečeni na dužnosti u svom drugom uzastopnom mandatnom periodu danom stupanja na snagu ovoga zakona obavljat će svoju dužnost do isteka svog mandata i ne mogu biti birani na funkciju dekana za treći uzastopni mandatni period.

Iste odredbe iz Zakona o visokom obrazovanju Kantona Sarajevo iz 2008. godine ostale su i u trenutno važećem Zakonu o visokom obrazovanju Kantona Sarajevo, prečišćeni tekst („Službene novine Kantona Sarajevo“, broj: 22/10), kojeg je donijela Skupština Kantona Sarajevo 27. 08. 2010. godine, a što je citirano u uvodu teksta.

Član 18. Okvirnog zakona o visokom obrazovanju u Bosni i Hercegovini (“Sl. Glasnik BiH”, broj: 59/07), precizira da se rukovodioc tijela visokoškolskih ustanova bira na mandat od četiri godine i može biti ponovo izabran.

U praksi imamo rukovodioce tijela visokoškolskih ustanova čiji je prvi izbor bio u prvoj polovini 2006. godine, prema odredbama Zakona o visokom obrazovanju Kantona Sarajevo iz 1999. godine, i isti su izabrani na mandatni period od dvije godine, a za drugi mandatni period birani su prema Zakonu o visokom obrazovanju Kantona Sarajevo iz 2006. godine i to na mandatni period od četiri godine. Nakon ovog perioda svi izbori za rukovodioce tijela visokoškolskih ustanova, kao i eventualno još jedan uzastopni izbor, su vršeni na mandatni period od četiri godine.

Dobili smo na Univerzitetu više upita u kojima se navodi kako su pojedini zatečeni rukovodioci visokoškolskih ustanova stavljeni u neravnopravan položaj u odnosu na rukovodioce koji su mogli biti birani u dva mandata u trajanju od po četiri godine, te da im se u tom smislu da tumačenje odredaba Zakona o visokom obrazovanju Kantona Sarajevo, kojima se regulira ovo pitanje, a vezano za učešće zainteresiranih kandidata na konkurs za izbor rukovodioca visokoškolskih ustanova, odnosno da im se omogući ravnopravan položaj u odnosu na rukovodioce visokoškolskih ustanova, koji prema aktuelnom Zakonu imaju pravo na izbor na mandatni period od četiri godine sa mogućnošću još jednog uzastopnog izbora.

Predlažemo da Skupština Kantona Sarajevo da autentično tumačenje člana 133. Zakona o visokom obrazovanju, prečišćeni tekst („Službene novine Kantona Sarajevo“, broj: 22/10), u kojem bi se navelo da rukovodioci tijela visokoškolskih ustanova, zatečeni danom stupanja na snagu ovog Zakona u obavljanju funkcije čiji je ukupan period u ponovljenom mandatu kraći od osam godina, imaju pravo učešća na konkurs za izbor rukovodioca ovih tijela u još jednom izbornom periodu i to za izborni period koji predstavlja nastavak zatečenog drugog mandata.

Ovaj prijedlog je zasnovan na propisima koje smo naveli i na činjenici da se treba obezbjediti puna ravnopravnost svog akademskog osoblja u pravima koja se odnose na ova pitanja.

Na ovaj način bi se samo dala mogućnost da se ove rukovodne osobe mogu prijaviti na konkurs za izbor rukovodioca visokoškolske ustanove, ne prejudicirajući da će ove rukovodne osobe biti automatski i izabrane.

U prilogu dostavljamo i fotokopije svih zakona citiranih u ovoj inicijativi za davanje autentičnog tumačenja.

S poštovanjem!

Faruk Čaklović Rektor


Faruk Čaklović

Prof. dr. Faruk Čaklović



Prilog: kao u tekstu

University of Sarajevo
 Rectorate



La. Subrota

U
 Rektoru

Broj: 0101 - 38 - 3583 - 1
 Sarajevo, 14. 12. 2011. godine

KANTON SARAJEVO

Bosna i Hercegovina
 Federacija Bosne i Hercegovine
 Kanton Sarajevo
 Dr. Mirjana Malić, predsjedavajuća Skupštine

1102-21-12-15-2011
Mirjana Malić

71000 Sarajevo
 Reisa Džemaludina Čauševića 1

Predmet: dostavljanje inicijative za davanje autentičnog tumačenja člana 133. Zakona o visokom obrazovanju, prečišćeni tekst („Službene novine Kantona Sarajevo“, broj: 22/10)

Poštovana predsjedavajuća,

Univerzitet u Sarajevu je dobio više upita u pogledu pojašnjenja učešća zatečenih rukovodioca visokoškolskih ustanova, koji smatraju da su stavljeni u neravnopravan položaj u odnosu na rukovodioce koji su mogli biti birani u dva mandata u trajanju od po četiri godine.

U praksi imamo rukovodioce tijela visokoškolskih ustanova čiji je prvi izbor bio u prvoj polovini 2006. godine, prema odredbama Zakona o visokom obrazovanju Kantona Sarajevo iz 1999. godine, i isti su izabrani na mandatni period od dvije godine, a za drugi mandatni period su birani prema Zakonu o visokom obrazovanju Kantona Sarajevo iz 2006. godine i to na mandatni period od četiri godine. Nakon ovog perioda svi izbori za rukovodioce visokoškolskih ustanova su vršeni na mandatni period od četiri godine.

U tom smislu smo na 128. sastanku Kolegija rektora, održanom 09. 12. 2011. godine, razmatrali ovo pitanje i konstatovali da se zatraži autentično tumačenje ovih odredaba Zakona.

U prilogu dostavljamo inicijativu za davanje autentičnog tumačenja člana 133. Zakona o visokom obrazovanju, prečišćeni tekst („Službene novine Kantona Sarajevo“, broj: 22/10) i fotokopije svih zakona citiranih u inicijativi, te Vas molimo, da nas po okončanju ovog postupka, pisanim putem obavjestite o konačnom ishodu.

S poštovanjem!

Prof. dr. Faruk Čaklović

Faruk Čaklović

Prof. dr. Faruk Čaklović

Prilog: Kao u tekstu



203

Sarajevo, 16. 02. 2012, godine

Broj: 0101-38-299 /R

SUHRETA
16.02.2012
to
OPU - 16.02.2012

Bosna i Hercegovina
Federacija Bosne i Hercegovine
Kanton Sarajevo
ZAKONODAVNO-PРАВNA KOMISIЈA
n/r Esada Hrvačića, predsjednika

71 000 SARAJEVO
Reisa Džemaludina Čauševića br. 1

Uvaženi,

dana 15. 12. 2011. godine Rektorat Univerziteta u Sarajevu je uputio zahtjev pod brojem: 0101-38-3583-1/11 od 14. 12. 2011.g. za autentično tumačenje odredaba Zakona o visokom obrazovanju. Poprilično se radi o hitnom postupku i ovim putem izražavamo zabrinutost zbog dužine postupka koji se vodi u ovoj pravnoj stvari.

Obaviješteni smo da Komisija do dana snije razmatrala navedeni prijedlog, te ovim putem skrećemo pažnju na odredbe Poslovnika Skupštine KS kojim su predviđene nadležnosti i obaveze ove Komisije.

Znači, ovo naše obraćanje ne morate shvatiti kao pritisak, ali shvatite kao poziv u zakonitost u postupanju.


Uz zahtjev smo dostavili obimnu dokumentaciju iz koje se može zaključiti opravdanost naših prijedloga. Iskreno se nadamo da ćete uvažiti naš prijedlog, te u hitnom roku pristupiti poslovnim obavezama na čemu Vam se unaprijed zahvaljujemo.

S poštovanjem,

REKTOR

Prof. dr. Faruk Čaklović





Broj: 11-05-02-4155
Sarajevo, 15.03.2012. godine

SKUPŠTINA
22.03.2012
/

20-03-2012

SKUPŠTINA KANTONA SARAJEVO
Zakonodavno-pravna komisija
-ovdje-

PREDMET: Odgovor na vaš akt


Ministarstvu za obrazovanje, nauku i mlade Kantona Sarajevo uputili ste akt, broj: 01-05-4405/12 od 06.03.2012. godine, u prilogu kojeg ste dostavili zahtjeve koje je zaprimila Zakonodavno-pravna komisija od strane Univerziteta u Sarajevu i Admira Mulahusića, a isti se odnose na tumačenje člana 133. odnosno člana 96. Zakona o visokom obrazovanju – Prečišćen tekst („Službene novine Kantona Sarajevo“, broj: 22/10).

U vezi sa pomenutim zahtjevima tražite mišljenje ovog ministarstva, kako bi Zakonodavno-pravna komisija ocijenila da li je prijedlog za davanje autentičnog tumačenja osnovan.

U odnosu na naprijed navedeno, ovo ministarstvo je mišljenja da je član 133. Zakona o visokom obrazovanju jasan, precizan i nedvosmislen, odnosno da kandidat za izbor dekana, koji je proveo dva uzastopna mandatna perioda, ne može biti izabran u treći uzastopni mandat, bez obzira na trajanje mandata i bez obzora što je u prvom mandatu bio izabran na funkciju dekana na osnovu odredbi zakona koji je bio u primjeni prije stupanja na snagu aktuelnog Zakona o visokom obrazovanju, dok je procedura izbora i imenovanja dekana visokoškolskih ustanove precizno regulisana odredbama Zakona.

Što se tiče člana 96. Zakona o visokom obrazovanju, odnosno konkretnog upita da li se pod objavljenom knjigom podrazumijeva i knjiga objavljena u koautorstvu, a upit je u vezi sa ispunjavanjem uslova za izbor u nastavnonaučno zvanje vanrednog profesora, te smo s tim u vezi izvršili uvid u odredbe Zakona i utvrdili da iste ne konkretiziraju predmetno pitanje, već da se sadržaj pojmova: uspješno mentorstvo, objavljen naučni rad, priznata publikacija, katalogizirana knjiga, univerzitetski udžbenik, originalni stručni uspjeh, projekt, patent i originalni metod, priznanje za uspješno djelovanje u odgovarajućoj oblasti umjetnosti, pokazani rezultati u nastavnom radu, značajan doprinos razvoju kulture i umjetnosti, preciznije uređuju statutom visokoškolske ustanove.

S poštovanjem,



Prof. dr. Fuadudin Oručević



web: <http://www.monks.gov.ba>
e-mail: monks@monks.gov.ba

Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

